

Surat khabar: Utusan Malaysia (Varsiti Berita Siswa)

Hari/Tarikh: 12/5/2016

Muka surat: V10

Tajuk : Mahasiswa bantu sekolah beri inspirasi

V10

VARSAITI

BERITA

bhvarsiti@bh.com.my

BIL 329 KHAMIS, 12 Mei 2016 BH

beritasiswa

Mahasiswa bantu sekolah beri inspirasi

Oleh **Noor Azlina Zainudin**
bhvarsiti@bh.com.my

► **Kuching**

Pelajar Universiti Malaysia Sarawak (UNIMAS) dan IKRAM Siswa Kota Samarahan turun padang menjayakan

sesi perkongsian ilmu pada program bertajuk 'Menerokai Laluan Kerjaya: Aspirasi Untuk Inspirasi' di Sekolah Menengah Sains Kuching Utara (SAKURA) di sini, baru-baru ini.

Sesi itu adalah sebahagian daripada pengisian program anjuran Innovation, Career & Education (ICE) UNIMAS dengan kerja-

sama IKRAM Siswa Kota Samarahan membabitkan penyertaan 61 pelajar Tingkatan Lima SAKURA.

Pengarah program, Mohammad Noor Adam Mohd Nasir, berkata antara matlamat inisiatif itu ialah untuk berkongsi ilmu berkaitan dunia kerjaya dengan pelajar sekolah, di samping memberi

motivasi ke arah pencapaian cemerlang dalam akademik dan kokurikulum.

Lebih terarah

"Pelaksanaan ini dijayakan 20 fasilitator daripada Jawatankuasa ICE UNIMAS 2016.

"Program khidmat masyarakat sebegini amat ditekankan dalam



Mohammad Noor Adam (kanan) menyampaikan cenderahati kepada Nordalina.

usaha menjana mahasiswa yang lebih prihatin dan membantu komuniti membangunkan modal insan cemerlang serta berdaya saing," katanya.

Peserta, Abdul Muzaffar Adenan, menyifatkan program itu amat penting kerana menyuntik pengetahuan kepada pelajar mengenai cabaran bakal dihadapi untuk mendapatkan pekerjaan pada masa depan.

"Pendedahan sebegini akan menjadikan pelajar lebih fokus dan terarah dalam melanjutkan pelajaran di universiti nanti," katanya.

Guru Kaunseling SAKURA, Nordalina Ismail, pula berkata pihaknya sentiasa mengalu-alukan inisiatif seumpama yang dapat merapatkan jalinan antara mahasiswa dengan pelajar sekolah.

"Kehadiran mahasiswa membantu pihak sekolah mampu menjadi contoh terbaik dan memberikan inspirasi kepada pelajar," katanya.



Peserta ceria bergambar kenangan dengan fasilitator program.